



UNIVERSITÄTS-
BIBLIOTHEK
PADERBORN

Continuatio II. Romæ Sanctæ

Fabri, Augustinus

Augustæ Vind., Anno M.D.CC.XXX.

No. XC. Camillus Cybus Massaranensis De Carrara Italus.

[urn:nbn:de:hbz:466:1-72647](#)



Camillus Cybo ex Principibus Massæ, et Carrariæ Patriarcha
Constantinopolitanæ Sacri Palatij Apostolici Praefectus S.R.F.P.
byter Cardinalis creatus à S. Smo. D.N.BENEDICTO PAPA

XIII. in Consistorio secreto die 23. Martij 1729.

Cum Grat. et Priv. Sac. Cœg. May.
G.D. sc.

Ioh. Christoph. Kolbauer. A.D.

90.



159
159
159
159
159



No. XC.

CAMILLUS CYBUS MASSARA- NENSIS DE CARRARA ITALUS.



Amillus Cybo da Massa di Carrera Sacrae Romanæ Ecclesiæ Presbyter Cardinalis tit, Sancti Stephani in Monte Cœlio Assistens Congregationum, Episcoporum & Regularium, Concilii, Rituum, Consultationis boni Regiminis ac de fide propagandæ, in præfata sui nominis, ac Domini Arce natus est die 25. Aprilis anno reparatae salutis 1681. ex illustrissima Cyborum familia, quæ nobilissimas inter stirpes Italicæ Sperhæ ut splendidissimum sydus emicat, & tanquam stella Lucifer interdiu, noctu Hesperus ita circumit ad Hemisphærium Genueæ, ac movetur, ut omnium virtutum horas indicare diceret. Qui originem Cyborum prosapiæ inquirit, abysos sæculorum ingrediatur, necesse est, sed non nisi thesauros sapientiæ, auri- fodinas excelsi meriti, venas argenteas illibati candoris, Heroum scuta, galeas Archistrategorum, thoraces invictæ virtutis, Triregna summa dignitatis, purpuræ sublimissimi honoris, peda Pastoralis eminentiæ, Principes, Dynastas, Imperatorum, Regum decora, aularumque delicias reperiet. Nonnulli hoc stemma initium trahere autemant à Joanne Faga, famosissimo sub Belisario Belli duce: faga enim in idiomate Latino idem explicat, quod cibus: alii hujus familie originem afferunt ex Cibon felicis Arabiæ civitate: quidquid de hoc sit, palam tamen est, quod hæc illustrissima domus jam inde à decimo sæculo, ad nostra usque tempora in immar- scibili flore perstiterit & propagativi fructus honore. Anno 999. Otto I. Imperator Guidoni Cybo donavit aliquas in Italia Dynastias in remunerationem fidelissimorum in bello prætorum obsequiorum: avitæ bellicosæ virtutis, animique imperteriti hæredem reliquit nepotem Lambertum, sanguinis sui pro Christo prodigum, Turcarum terrorem, qui utramque Insulam Gorgonam, & Capraiam ipsorum jugo liberavit. Lanfranchius Cybo consul munus diu sustinuit Genuæ, & hanc rempu- blicam optimis institutis decoravit. Inter alios filios egregia indolis natus est ipsi Gu- lielmus, Classum Caroli Regis Neapolitani Præfectus, qui in multis legationibus

T t t 2

trans-

transfusas in se Regum Principumque personas circumtulit, & maximè arduis Regnorum negotiis felicissimum ad finem perductis, ab ipso Divo Ludovico Gallorum Rege Equitis dignitate decoratus fuit. Anno 1440. per omnium ora volabat fama deprædicans ubique terrarum insignem prudentiam, inque armis summam experientiam Arani Cybo, Republicæ Genuensis peculiaris ornamenti, qui Regi Renato missis in auxilium militibus, in Gubernatorem Civitati Neapolitanæ datus est, & ibidem captus a Rege Aragonensi Alfonso, cui acceptissimus erat, iidem muneri restitutus fuit. Calixtus III. allectus ipius gubernandi arte, Urbis Romanæ Præfectum instituit. Parens reverè felicissimæ prolis, à qua prognata sunt insignia Ecclesiæ orthodoxæ lumina, Laurentius Cybo, postmodum Cardinalis, & Joannes Baptista, qui anno 1484. in summum Pontificem sub nomine Innocentii VIII. electus est. Si unquam mundus hospitavit justitiae amatorem, Innocentium profecto habuit: Non respexit celissimæ hic dignitatis in orbe vir neq; carnem aut sanguinem, non præminentiam nobilitatis, aut muneris prærogativam, justitiae autem pro rata delicti exigentiam. Quo salutari remedio Innocentius usus, non Romam duntaxat, sed et totam Italiam paucorum elapsu annorum à pristinis passim ubique gravantibus purgavit deprædationibus. Damno id suo experti sunt duo nobiles Romani Petrus, & Hieronymus de Bubalis, iniuratum jumenta, & commune refugii stabulum tumultuant Romanorum, sed non regente Innocentio. Nam in Petrum consecratus, par nobile fratrum una die captum brevi fortinato judicio victimam dedit carnificis gladio, non obstante, quod parens illorum Franciscus de Bubalis plurimum apud Innocentium valeret. Duo alii didicere justitiam, & non temnere Divos, Dominicus Viterbiensis, & Franciscus Maldensis, ut nobilitate, ita & nequitia haud impares Apostolicarum falsificatores litterarum, in publico foro Romano in patibulum acti, cadaveribus deinde eorum igne combustis, non attentis supplicibus tribunali tunc assidentium precibus, gravissimorumque virorum. Justitiae meritis Innocentii adscribenda sunt illa duo pretiosissima munera, quæ Turcarum Imperator Bajazetus II. dono remunerativo ipsi transmissit, titulus scilicet S. Crucis, qui tot spatiis annorum mensis ob hostium pericula intra murum Ecclesiæ S. Crucis nuncupatae, Jerusalem absconsus erat, una cum ferrea, atque crudeli Lancea, quæ Domini Salvatoris nostri latus aperuit, quatenus fratrem suum Sultanum Zizimum bello captum dein Romam adductum, mitius haberet. An non Laurentius Cybo Comes de Ferenillo Bonnoniam magnanimè defendit, & Pontificiorum satellitum posthac Præfectus, factus tempore, tam iniquè quam crudeliter ab hereticis militibus in castello Angeli carceraliter inclusi Clementis VIII. potitus est Civitate Monza in favorem Ducis Mediolanensis Francisci Sforzæ II. qui anno 1520. cum Richarda Malaspina Alberici Marchionis de Massa, & Carrera unica filia desponsatus, Marchionis de Massa & Domini de Carrera titulum adæptus est, cuius filius Albericus I. 1568. ab Imperatore Maximiliano II. in S. R. Imperii, & Massæ Principem electus est. Floram florentis suæ virtutis Marti desponavit, generoso dotatam animo, ac primis annis fœcundam sobole militaris officii, quando sub Guidobaldo de Urbino Pontifici exercitus Duce in primum Locum tenentem suffensus est, sicque successivè auctis meritis, honorumque gradibus ascensis, Imperii Princeps audiit: demortuus est anno 1623. ætatis suæ 96. postquam 14. Pàpas, 6. Imperatores, totidemque Gallorum, & tres Hispaniarum Reges vitæ annis superavit. Duos procreavit filios Alteranum, & Ferdinandum, patre suo priùs defunctos, reliquo ex primo Carolo hærede, qui sequentium fuit parens filiorum. Alderani Cardinalis Presbyteri, & Episcopi Ecclesiarum Ostiensis, & Velerensis sacrique Collegii Decani, ab Innocentio X. purpura candecorati: qui diversis temporibus Apostolicum Legatum egit Ravennæ, Ferrariæ, & Urbini, qui banno interdictorum audaciam sua compescuit potestate, Innocentius XI. postea, quocum simul Cardinalis creatus est, cum primum Pon-

tifi-

tificiæ aulæ Ministrum constituit, gratulante sibi tota Roma de tanti viri præstantia. Francisci Odoardi, qui in Helvetia Nuntii Apostolici munus summa cum laude obiit, deinde Patriarchali Constantinopolitana dignitate auctus. Dominici, qui contempto sæculo monachum indutus Abbatialem vestivit honorem, & Alberici II. qui fuit Caroli primogénitus, cuius præclara pro S. R. I. incremento gesta Augustissimus Imperator anno 1664. in comitiis remuneratus, S. R. I. Ducem de Massa, & Principem de Carrara ipsum declaravit. In Successorem suorum Statuum reliquit Carolum II. qui ex Theresia Pamphilia Camilli Principis ad S. Martinum filia, multa prole dotatus, quas inter Eminentissimus noster Cardinalis Camillus S. R. Ecclesiæ sacratae Purpuræ ornamentum, & Princeps, nec non avitæ nobilitatis Cybonum gemma inæstimabilis, qui florem juventutis in arrham pietatis datum, maravit cum docta Pallade. Erat acri ornatus ingenio, intellectu perspicaci, ac subtili, sublimissimas scientias vix degustatas in suam mutavit substantiam, ut ipse quasi in scientiarum transfusus naturam, totus scientia esse videretur: æmulus sacræ profanæq; Themidis, pro thorace induit justitiam, ut sui maximus victor, non Ecclesiæ Romanae duntaxat, sed & pauperum pupillorum, viduarumque causas accerrimè vindicaret, quare & Natio Cameriensis suæ se cum propria Ecclesiæ protectioni commissam voluit. Ob adeò præstantes animi dotes, promotus est ad Patriarchatum Constantinopolitanum, & Sacri Palatii Apostolici Præfecturam, quæ honorificentissima munia summa solertia, ac studio pietatis obiens, Odoardi superiùs nominati secutus est virtutum vestigia, suæq; Prosopeiæ ornamentum, qui Nuntii Apostolici munere in Helvetia functus Patriarcha Constantinopolitanus creatus est. Sed & Eminensissimi Cardinalis Alderani Cybo, qui sub Innocentio X. S. Palatii Apostolici Præfecti officium cum summa laude sustinuit, virtutes eximias imitatus est, ac Innocentii Cybo, qui Messinæ, Turini, Genuæ, Infulis decoratus, anno 1513. de manibus Fratris suæ matris Leonis X. eundem rubeum pileum. quo ipse ab Innocentio VIII. honoratus est, accepit. Quare Benedictus XIII. insignium virtutum æstimator, & de Ecclesia Romana optimè meritorum ponderator virorum, Camillum Cybo Sacra Purpuræ 23. Martii 1729. exornavit, congratulante sibi universo purpuratorum Patrum sacro Collegio de incremento sui splendoris, gloriæq; decore, nec non universa Roinâ, quæ, quantis in promotione tanti viri ad Cardinalitiam dignitatem deliciis afflueret, publica gestientis animi edidit signa festis passim accensis ignibus, qui Genuensis Reipublicæ juncti nocturna cœli caligine erpta, diem terris attulerunt, prompta, quæ Genua vocatur, sua, quæ modò flexo animo suum in purpura adorat concivem, corame eo, cœlo dante, in Pontificem suffecto, genua flectere.



Uuu

No.